



Broj: 03-40-1348/19
Vogošća, 19.08.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 19.08.2019. godine donio je

ODLUKU O PONIŠTENJU POSTUPKA JAVNE NABAVKE RADOVA NA REKONSTRUKCIJI I POPRAVCIMA DJEČJIH IGRALIŠTA NA PODRUČJU OPĆINE VOGOŠĆA

Član 1.

Poništava se Otvoreni postupak javne nabavke radova na rekonstrukciji i popravci dječjih igrališta na području općine Vogošća broj: 03-40-1348/19, jer nijedna od pristiglih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 09.07.2019. godine donio Odluku o pokretanju Otvorenog postupka nabavke radova na rekonstrukciji i popravci dječjih igrališta na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 12.07.2019. godine pod brojem: 1353-1-3-154-3-109/19.

Sažetak Obavještenja o nabavci objavljen je u "Službenom glasniku BiH" broj: 49/19 od 19.07.2019. godine.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 31.07.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 31.07.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-40-1348/19 iz jula 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke konstatuje da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Babel" d.o.o. Sarajevo	6.996,00	/	/	8.185,32
2	"Glovis" d.o.o. Zenica	6.800,00	/	/	7.956,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Babel" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD a u skladu sa članom 51. Zakona zahtjevano je da je ponuđač u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 7.000,00 KM bez uračunatog PDV-a.

Tačkom 7.4.2. pod a) TD je propisano da su ponuđači u svrhu dokazivanja ispunjavanja uslova iz tačke 7.4.1. pod a) TD dužni u ponudi dostaviti spisak izvršenih ugovora u ukupnom iznosu od 7.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika, uz napomenu da dokazi koji se dostavljaju moraju biti originali ili ovjerene kopije.

Članom 48. stav 2. Zakona o javnim nabavkama BiH ("Službeni glasnik BiH", broj 39/14) je propisano da Potvrda o uredno izvršenim ugovorima/radovima koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač "Babel" d.o.o. Sarajevo je u svojoj Ponudi (str. 19. Ponude) dostavio Potvrdu za dobro izvršenje Ugovora broj: 05-23-2106/17 od 25.05.2017. godine, izdatu od Općine Novo Sarajevo.

Komisija za javne nabavke smatra da dostavljena Potvrda za dobro izvršenje ugovora ne ispunjava uslove propisane članom 48. stav 2. Zakona o javnim nabavkama BiH. Naime, u predmetnoj Potvrdi je samo naznačeno da se radi o uspješnoj realizaciji Ugovora broj: 02-14-2256/16-Rekonstrukcija dječijeg igrališta u ul. Džemala Bijedića 35, dok su bitni a Zakonom propisani podaci o vremenu izvršenja Ugovora od strane izdavaoca Potvrde izostavljeni.

Prethodno izneseno potvrđuje i praksa Ureda za razmatranje žalbi BiH u Rješenju broj: JN2-01-07-1-765-10/17 od 08.02.2018. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Glovis" d.o.o. Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS ili VŠS metalske struke-III ili V stepen, (KV ili VKV radnik metalske struke).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS metalske struke-III ili V stepen, (KV ili VKV radnik metalske struke) dostavi Diploma/Svjedočanstvo o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Glovis" d.o.o. Zenica je u svojoj Ponudi (strana 31-33. Ponude) kao dokaz za traženo dostavio Diplomu o završenoj srednjoj stručnoj spremi broj: 52-I-2014./15 od 14.06.2018. godine, kojom se dokazuje da je Ahmed Alić završio tehničku školu i stekao stručno zvanje mašinski tehničar.

Uvažavajući dostavljeno, Komisija za javne nabavke cijeni da je ponuđač "Glovis" d.o.o. Zenica dostavljanjem prethodno pomenute Diplome (IV stepena) propustio da dostavi dokaz tražen tačkom 7.4.1. pod b) TD, a kojom je jasno zahtjevan radnik/lice sa završenom SSS ili VŠS metalske struke-III ili V stepen, (KV ili VKV radnik metalske struke).

Ponuđač je također napravio ozbiljan propust jer je Diplomu o završenoj srednjoj stručnoj spremi broj: 52-I-2014./15 od 14.06.2018. godine dostavio kao običnu kopiju, dok je TD jasno zahtjevano da svi dokazi koji se dostavljaju moraju biti originali ili ovjerene kopije.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na rekonstrukciji i popravci dječijih igrališta na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Babel" d.o.o. Sarajevo
2. "Glovis" d.o.o. Zenica
3. Nadležnoj Službi
4. U dosije
5. a/a

033/644-946

032/200-791



OPĆINSKI NAČELNIK

Edin Smajić

Edin Smajić